



Broj: 01-04-5-7026/25
Sarajevo, 16.06.2025. godine

U skladu sa članom 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporukom Komisije za provođenje postupka javne nabavke broj: 08-11-15-6833-1/25 od 10.06.2025. godine, Zapisnika o pregledu i ocjeni ponuda broj: 08-11-15-6833/25 od 10.06.2025. godine, a na osnovu člana 15. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom, na 69. sjednici održanoj dana 16.06.2025. godine *d o n o s i*

O D L U K U

o izboru ponuđača „Konika Minolta poslovna rješenja BH“ d.o.o., Sarajevo za javnu nabavku usluga unajmljivanja opreme za printanje, skeniranje i fotokopiranje

I

Prihvata se preporuka Komisije za javne nabavke imenovane Odlukom broj: 01-04-5-5645/25 od 07.05.2025. godine u postupku nabavke usluga unajmljivanja opreme za printanje, skeniranje i fotokopiranje te se donosi odluka o izboru ponuđača:

„Konika Minolta poslovna rješenja BH“ d.o.o. Sarajevo, za ponuđenu cijenu od 120.000,00 KM bez PDV-a, odnosno 140.400,00 KM sa PDV-om, te se imenovanom ponuđaču dodjeljuje ugovor.

II

Izabrani ponuđač nije dužan u roku od 5 (pet) dana od dana dostavljanja ove Odluke dostaviti originale ili ovjerene kopije dokumenata predviđenih članom 45. Zakona o javnim nabavkama, pobliže navedenih u tački 3.1.2., obzirom da je navedeno ponuđač dostavio u sklopu ponude.

III

Ugovorni organ će sa izabranim ponuđačem zaključiti okvirni sporazum i pojedinačne ugovore o javnoj nabavci kojima će se reguisati međusobna prava i obaveze vezano za predmetnu nabavku shodno zahtjevima- uslovima ugovornog organa navedenim u tenderskoj dokumentaciji za nabavku usluga unajmljivanja opreme za printanje, skeniranje i fotokopiranje iz tačke I ove odluke i zakonskim propisima koji regulišu postupke ugovaranja.

IV

Prijedlog ugovora o javnoj nabavci dostaviti će se na potpis izabranom ponuđaču po isteku roka od 15 (petnaest) dana od dana kada svi ponuđači koji su učestvovali u predmetnom postupku nabavke budu obaviješteni o izboru ponuđača.

V

Ova odluka stupa na snagu danom donošenja i objavit će se na internet stranici Fonda u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

OBRAZLOŽENJE

Postupak javne nabavke je pokrenut Odlukom o pokretanju postupka javne nabavke broj: 01-04-5-5644/25 od 07.05.2025. godine. Javna nabavka je provedena putem otvorenog postupka za dostavu ponuda. Ukupna procijenjena vrijednost javne nabavke iznosi 120.000,00 KM bez PDV-a.

Tendersku dokumentaciju je preuzelo 12 (dvanaest) privrednih subjekata, a 1 (jedan) ponuđač je dostavio ponudu u predmetnom postupku nabavke. Neblagovremenih ponuda nije bilo.

Ponudu je dostavio sljedeći ponuđač:

Redni broj	Naziv i sjedište ponuđača	Cijena na (javnom) otvaranju KM (bez PDV-a)	Ponuđeni popust	Ukupna cijena na (javnom) otvaranju KM (sa PDV-om)
1.	„Konika Minolta poslovna rješenja BH“ d.o.o. Sarajevo, ul. Azize Šaćirbegović 1	120.000,00 KM	-	140.400,00 KM

Komisija za javne nabavke imenovana Odlukom broj: 01-04-5-5645/25 od 07.05.2025. godine je izvršila pregled i ocjenu ponude, te konstatovala da je zaprimljena ponuda od ponuđača „Konika Minolta poslovna rješenja BH“ d.o.o. Sarajevo, ul. Azize Šaćirbegović 1, Sarajevo prihvatljiva.

U skladu sa članom 4. stav 2. Pravilnika o uslovima i načinu korištenja e-aukcije („Službeni glasnik BiH“, broj 8/23) propisano je da u slučaju prijema jedne prihvatljive ponude e-aukcija se ne zakazuje nego se postupak okončava u skladu sa članom 69. Zakona.

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Preporuku Komisije za nabavke broj: 08-11-15-6833-1/25 od 10.06.2025. godine o izboru ponuđača „Konika Minolta poslovna rješenja BH“ d.o.o. Sarajevo, ul. Azize Šaćirbegović 1, Sarajevo, ID: 4201294680004, sa ponuđenom cijenom od 120.000,00 KM bez PDV-a, odnosno 140.400,00 KM sa PDV-om i Zapisnik o pregledu i ocjeni ponuda broj: 08-11-15-6833/25 od 10.06.2025. godine.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove odluke ponuđač može izjaviti žalbu ugovornom organu u pisanoj formi u roku od 10 (deset) dana od dana prijema ove odluke.

PREDSJEDNIK UPRAVNOG ODBORA

Senad Pešto

Dostaviti:

- Upravni odbor
- Ponuđaču
- Služba za javne nabavke i informacione tehnologije
- Sektor finansijskih i računovodstvenih poslova
- a/a

